

論語孟子子節鈔

## 論語孟子節鈔序

國之所以治家之所以和人之所以不爲惡者道德維範人之身心也我國人言道德者多以孔子爲至聖孟子爲亞聖且政府規定孔子誕辰爲教師節是孔子爲我國萬世師表無疑惟今之學者多畏古書艱深卽孔子孟子之書亦少讀者竊恐聖教湮滅爰節鈔論語孟子之淺顯者共五千餘言並略附朱熹之註以便閱讀自知鈔選簡略編列未當冒昧印行冀引高明之編選爾

李亮耳序

論語節鈔

子曰學如不及猶恐失之。

子曰朝聞道夕死可矣。

道者事物當然之理苟得聞之則生順死安無復遺恨矣

子曰譬如爲山未成一簣止吾止也譬如平地雖覆一簣進吾往也

盛簣


土竹器也言山成而但少一簣其止吾自止耳平地而方覆一簣其進吾自往耳蓋學者自強不息則積少成多中道而止則前功盡棄其止其往皆在我也

子曰弟子入則孝出則弟謹而信汎愛衆而親仁行有餘力則以學文

謹者行之有常也信者言之有實也汎廣也衆謂衆人親近也仁謂仁者餘力猶言暇日也以用也尹氏曰德行本也文藝末也洪氏曰未有餘力而學文則文滅其實有餘力而不學文則質勝而野愚謂力行而不學文則無以考聖賢之成法識事理之當然而所行或出於私意非但失之於野而已

子曰吾嘗終日不食終夜不寢以思無益不如學也

此爲思而不學者言之



(南)

子曰學而不思則罔思而不學則殆不求諸心故昏而無得不習其事故危而不安

子曰古之學者為己今之學者為人己為去聲○程子曰為己欲得之於己為人欲見知於人也為己者其

終至於成物為人者其終至於喪己

子謂子夏曰汝為君子儒無為小人儒儒學者之稱程子曰君子儒為小人儒為人謝氏曰君子儒為

人之分義與利之間而已

子曰君子上達小人下達君子循理故日進乎高明小人徇欲故日究乎汗下

子在川上曰逝者如斯乎不捨晝夜

子曰君子食無求飽居無求安敏於事而慎於言就有道而正焉可謂

好學也已好去聲○不求安飽者志有在而不暇及也敏於事者勉其所不及慎於言者不敢盡其所有餘也然猶不敢自是而必就有道之

人以其是是非則可謂好學矣

子曰賢哉回也一簞食一瓢飲在陋巷人不堪其憂回也不改其樂賢

哉回也顏子之貧如此而處之泰然不以害其樂故夫子賢之程子曰顏子非樂簞瓢陋巷也不以貧窶累其心而改其樂也

子曰士志於道而恥惡衣惡食者未足與議也心欲求道而以口體之奉不若人為恥其識趣

之卑陋甚矣何足與議道哉

子貢方人子曰賜也賢乎哉夫我則不暇夫音扶○方比也乎哉疑詞

專務為此則心馳於外而所以自治者疏矣故深抑之

子曰吾未見剛者或對曰申枨子曰枨也慾焉得剛剛堅強不屈之意人所難能者慾嚙

慾也程子曰人有慾則不能剛剛則不屈於慾

子曰色厲而內荏譬諸小人其猶穿窬之盜也歟厲威嚴也荏柔弱也穿窬牆牆言其

無實盜名而常畏人知也

子曰人而不仁如禮何人而不仁如樂何

子曰德之不修學之不講聞義不能從不善不能改是吾憂也

司馬牛問君子子曰君子不憂不懼曰不憂不懼斯謂之君子矣乎子

曰內省不疚夫何憂何懼夫音扶○疚病也言其平日所為無愧於心故能

氏曰不憂不懼由乎德全而無疵非實有憂懼而強排遣之也

子曰君子坦蕩蕩小人長戚戚坦平也蕩蕩寬廣貌程子曰君子循

子曰見賢思齊焉見不賢而內自省也思齊者冀己亦有是善內

子曰聖人吾不得而見之矣得見君子者斯可矣善人吾不得而見之

矣得見有恆者斯可矣張子曰有恆者不二其心無而為有虛而為盈約而

為泰難乎有恆矣三者皆虛夸之事凡若此者必不能守其常也張氏曰聖人君子以學言善人有恆者以質言愚謂有恆者與聖人

高下固相遠矣然未有不  
自有恆而能至於聖者也

子曰君子懷德小人懷土君子懷刑小人懷惠懷思念也懷德謂存其  
固有之善懷土謂溺愛

其所處之安懷刑謂畏法懷惠謂貪利尹氏曰樂  
善惡不善所以爲君子苟安務得所以爲小人

子曰君子泰而不驕小人驕而不泰君子循理故安舒而不  
縱肆小人逞欲故反是

子路問君子子曰修己以敬

子曰非禮勿視非禮勿聽非禮勿言非禮勿動

子曰仁遠乎哉我欲仁斯仁至矣仁者心之德非在外也放而不求故  
有以爲遠者反而求之則卽此而在

矣夫豈遠哉程子曰爲仁  
由己欲之則至何遠之有

子貢曰君子之過也如日月之食焉過也人皆見之更也人皆仰之更  
平

聲

子曰人之過也各於其黨觀過斯知仁矣於其類也程子曰人之過也各

常失於薄君子過於愛小人過於忍○此言人雖有過猶可即此而知其厚薄非謂必俟有過而後知其賢否也

樊遲問仁子曰居處恭執事敬與人忠恭主容敬主事忠見乎外敬主乎中

子曰君子義以為質禮以行之遜以出之信以成之君子哉義者制事之本故以

為質餘而行之必有節文出之必以退讓成之必在誠實乃君子之道也

子問公叔文子於公明賈曰信乎夫子不言不笑不取乎公明賈對曰

以告者過也夫子時然後言人不厭其言樂然後笑人不厭其笑義然後取

人不厭其取子曰其然豈其然乎厭者苦其多而惡之之詞事適其可則人不厭而不厭而不覺其有是矣是以稱之或過而

以為不言不笑不取也然此非禮義充溢於中得時措之宜者不能文子雖賢疑未及此故曰其然豈其然乎蓋疑之也

子曰君子喻於義小人喻於利喻猶曉也義者理之所宜程子曰君子之於義猶小人之於利也唯其篤好是



以深喻

子曰士而懷居不足以爲士矣

子曰歲寒然後知松柏之後彫也小人之在治世或與君子無異惟臨利害遇事變然後君子之所守可見

也

子曰三軍可奪帥也匹夫不可奪志也三軍之勇在人匹夫之志在己故帥可奪而志不可奪如在

可奪則亦不足謂之志矣

子曰志士仁人無求生以害仁有殺身以成仁志士有志之士仁人成德之人也理當死而不

無別於其心有不安矣是害其心之轉也當死而死則心安而德全矣

子曰古者言之不出恥躬之不逮也逮及也行不及言可恥之甚古者所以不輕出其言爲此故也

子曰事父母幾諫見志不從又敬不違勞而不怨幾微也

孟懿子問孝子曰生事之以禮死葬之以禮祭之以禮禮節即理之文也

仲弓問仁子曰出門如見大賓使民如承大祭己所不欲勿施於人以敬

持己恕以及物則私意無所容而心德全矣

子曰巧言令色足恭左邱明恥之丘亦恥之匿怨而友其人左邱明恥

之丘亦恥之巧好也令善也足過也

子曰君子之於天下也無適也無莫也義之與比適專主也莫不肯也從也謝氏曰適可

也莫不可也無可無不可苟無道以主之不幾於猖狂自恣乎聖人之學於無可不可之間有義存焉

子曰君子和而不同小人同而不和和者無乖戾之心同者有阿比之意

子曰君子周而不比小人比而不周周普徧也比周厚之意但周公而比私耳

子曰君子矜而不爭羣而不黨莊以持己曰矜然無阿比之心故不爭和以處衆曰羣然無阿比之意故不黨

子曰君子求諸己小人求諸人。

子曰君子成人之美不成人之惡小人反是。成者誘掖獎勵以成其事也。

子曰道不同不相為謀。為去聲。

子曰躬自厚而薄責於人則遠怨矣。責己厚故身益修責人薄故人易從而人不怨之。

子曰好勇疾貧亂也人而不仁疾之已甚亂也。好去聲。○好勇而不安分則必作亂惡不仁之

人而使之無所容則必致亂二者之心善惡雖殊然其生亂則一也。

子曰伯夷叔齊不念舊惡怨是用希。

子曰侍於君子有三愆言未及之而言謂之躁言及之而不言謂之隱

未見顏色而言謂之瞽。愆過也。瞽無目不能察言觀色。

子曰可與言而不與之言失人不可與言而與之言失言智者不失人。

亦不失言

子曰君子不以言舉人，不以人廢言。

子貢問友，子曰：「忠告而善道之，不可則止，毋自辱焉。」友所以告之善，盡其心所以告之仁，故盡

則說以道之，然以義合者也，故不可。若以數而見疏，則自辱矣。

子使漆雕開仕，對曰：「吾斯之未能信。」子悅。

子曰：「事君盡禮，人以爲詔也。」

子路問事君子，子曰：「勿欺也，而犯之。」犯謂犯顏諫諍。

子曰：「不在其位，不謀其政。」

子曰：「臧文仲其竊位者歟！知柳下惠之賢而不與立也。」竊位言不稱其位，如盜得而稱陰。

據之也，與立謂與之並立於朝。

定公問君使臣臣事君如之何孔子對曰君使臣以禮臣事君以忠

齊景公問政孔子對曰君君臣臣父父子子

子曰其身正不令而行其身不正雖令不從

季康子問政子曰政者正也子帥以正孰敢不正

哀公問曰何為則民服孔子對曰舉直錯諸枉則民服舉枉錯諸直則

民不服

錯捨置也諸衆也

子曰能以禮讓為國乎何有不能以禮讓為國如禮何讓者禮之實也何有言不難也

季康子問使民敬忠以勸如之何子曰臨之以莊則敬孝慈則忠舉善

而教不能則勸

莊謂容貌端嚴也張氏曰此皆我所當為非為欲使民敬忠以勸而為之也然能如是則其應有不期然而然者矣

子曰聽訟吾猶人也必也使無訟乎聽訟者治其末塞其流也其本清其源則無訟矣

子曰道之以政齊之以刑民免而無恥道猶引導也政謂法制禁令也齊一之也道之不從者用刑

以一之也免而無恥謂苟免刑罰而無所羞道之以德齊之以禮有恥且格

禮謂制度品節也格至也言躬行以率之則民固有所觀感而興起矣而其淺深厚薄之不一者有禮以一之則民恥於不善而有以至於善也

子曰無為而治者其舜也歟夫何為哉恭己正南面而已矣夫音扶無為而治

者聖人德盛而民化不待其有所作為也舜繼堯之後而得人以任衆職故不見其有為之迹也

子曰見善如不及見不善如探湯吾見其人矣吾聞其語矣真知善惡而誠好善惡

也之隱居以求其志行義以達其道吾聞其語矣未見其人也

# 孟子節鈔

孟子曰孔子登東山而小魯登泰山而小天下故觀於海者難爲水遊於聖人之門者難爲言

孟子曰拱把之桐梓人苟欲生之皆知所以養之者至於身而不知所以養之者豈愛身不若桐梓哉弗思甚也拱兩手所圍也把一手所握也桐梓二木名

孟子曰今有無名之指屈而不伸非疾痛害事也如有能伸之者則不

遠秦楚之路爲指不若人也爲去聲○無名指手之第四指也指不若人則知惡之心不若

人則不知惡此之謂不知類也惡去聲○不知類言其不知輕重也

孟子曰仁人心也義人路也仁者人心之德義者行事之宜捨其路而弗由放其心而

不知求哀哉人有雞犬放則知求之有放心而不知求學問之道無他求其

放心而已矣

孟子曰飢者甘食渴者甘飲是未得飲食之正也飢渴害之也豈惟口

腹有飢渴之害人心亦皆有害口腹為飢渴所害故於飲食不暇擇而失其正味人心為貧賤所害故於富貴不暇擇而

其人能無以飢渴之害為心害則不及人不為憂矣人能不以貧賤動其心則過人遠矣

孟子曰西子蒙不潔則人皆掩鼻而過之西子美婦人蒙猶冒也不潔

雖有惡人齋戒沐浴則可以祀上帝此章戒人之與善而勉人以自新也

孟子曰自暴者不可與有言也自棄者不可與有為也言非禮義謂之

自暴也吾身不能居仁由義謂之自棄也暴猶害也非猶毀也自害其身者不知禮義之為美而非毀之雖與

之言必不見信也自棄其身者猶知仁義之為美但仁人之安宅也義人之

正路也義者宜也乃理之當行無曠安宅而弗居捨正路而不由哀哉曠空



行也言道本固有而人自絕之是可哀也

孟子曰不仁者可與言哉安其危而利其災樂其所以亡者不仁而可

與言則何亡國敗家之有樂音洛○安其危利其災者不知其危災而反以爲安利也所以亡者謂荒淫暴虐所以致敗亡之

道有孺子歌曰滄浪之水清兮可以濯我纓滄浪之水濁兮可以濯我足滄浪

水名纓冠系也孔子曰小子聽之清斯濯纓濁斯濯足矣自取之也言水之清濁有以自取之也

夫人必自侮而後人侮之家必自毀而後人毀之國必自伐而後人伐之音夫

扶

孟子曰雞鳴而起孳孳爲善者舜之徒也孳孳勤勉之意言雖未至於聖人亦是聖人之徒也雞

鳴而起孳孳爲利者蹠之徒也蹠盜名欲知舜與蹠之分無他利與善之間也

楊氏曰舜蹠之相去遠矣而其分乃在利善之間而已是豈可以不謹然講之不熟見之不明未有不以利爲義者

孟子曰人之所以異於禽獸者幾希庶民去之君子存之幾希少也庶衆也

孟子曰人皆有所不忍達之於其所忍仁也人皆有所不爲達之於其

所爲義也人能充無欲害人之心而仁不可勝用也能充無穿窬之心而

義不可勝用也勝平聲也充滿也人能充無受爾汝之實無所往而不爲義也爾汝輕賤

稱之士未可以言而言是以言餽之也可以言而不言是以不言餽之也是皆

穿窬之類也餽探取也

孟子曰無爲其所不爲無欲其所不欲有所不爲不欲人皆有是心也至於私意一萌不能以禮義制

之則爲所不爲欲所不欲者多矣

孟子曰人有不爲也而後可以有爲

孟子曰禹惡旨酒而好善言惡好皆去聲湯執中立賢無方執謂守而不及中者無過不及

庶名方猶類也立賢無方惟文王視民如傷望道如未之見武王不泄邇不

賢則立之於位不問其類也也忘遠也周公思兼三王以施四事其有不合者仰而思之夜以繼日幸而

得之坐以待旦三五馬也湯也文武也四事上四條之事也坐以待旦急於行也

孟子曰伯夷目不視惡色耳不聽惡聲非其君不事非其民不使治則

進亂則退橫政之所出橫民之所止不忍居也思與鄉人處如以朝衣朝冠

坐於塗炭也當紂之時居北海之濱以待天下之清也故聞伯夷之風者頑

夫廉懦夫有立志朝音潮○橫謂不循法度鄉入鄉里之常人也頑者無知覺廉者有分辨情弱柔也伊尹曰何事非

君何使非民治亦進亂亦進曰天之生斯民也使先知覺後知使先覺覺後

覺予天民之先覺者也予將以此道覺此民也思天下之民匹夫匹婦有不

被堯舜之澤者若己推而納之溝中其自任以天下之重也何事非君何使非民言無不可

事之君不可使之民也柳下惠不羞汗君不辭小官進不隱賢必以其道遺佚而不怨

阨窮而不憫與鄉人處由由然不忍去也爾為爾我為我雖袒裼裸裎於我

側爾焉能凜我哉故聞柳下惠之風者鄙夫寬薄夫敦不隱賢不枉道也遺佚放棄也阨困也憫

憂也由由自得之貌袒裼露臂也裸裎露身也浼汗也鄙狹陋也敦厚也孔子之去齊接淅而行去魯曰遲遲吾

行也去父母國之道也可以速而速可以久而久可以處而處可以仕而仕

孔子也接猶承也浙漬米水也漬米將炊而欲去之速故以手承水取米而行不及炊也舉此一端以見其久速仕止各當其可也伯夷

聖之清者也伊尹聖之任者也柳下惠聖之和者也孔子聖之時者也張子曰無

所雜者清之極無所異者和之極孔氏曰任者以天下為己責也

孟子曰事孰為大專親為大守孰為大守身為大不失其身而能事其

親者吾聞之矣失其身而能事其親者吾未之聞也守身持守其身使不陷於不義也孰不

爲事事親事之本也孰不爲守守身守之本也

孟子曰君子之於物也愛之而弗仁於民也仁之而弗親親親而仁民

仁民而愛物

物謂禽獸草木愛謂取之有時用之有節程子曰仁者推己及人如老吾老以及人之老於民則可於物則不可統而言之則

皆仁分而言之則有序楊氏曰其分不同故所施不能無差等

孟子曰天下大悅而將歸己視天下悅而歸己猶草芥也惟舜爲然不

得乎親不可以爲人不順乎親不可以爲子

言舜視天下之歸己如草芥而惟欲得其親而順之也得者承

順以得其心之悅而已順則有以諭之於道心與之一而未始有違尤人所難也爲人蓋泛言之爲子則愈密矣舜盡事親之道而

瞽瞍底豫瞽瞍底豫而天下化瞽瞍底豫而天下之爲父子者定此之謂大

孝

底致也豫悅樂也瞽瞍嘗欲殺舜至此而底豫焉蓋舜至此而有以順乎親矣是以天下之爲子者知無不可事之親願吾所以事之者未若舜耳

於是莫不勉而爲孝至於其親亦底豫焉則天下之爲父者亦莫不慈所謂化也子孝父慈各止其所而無不安者所謂定也爲法於天下可傳於後世

非止一身一家之孝而已此所以為夫孝也李氏曰舜之所以能使瞽瞍底豫者盡事親之道供為子職而已

白圭曰圭之治水也愈於禹圭之治水築堤壅之使注他國孟子曰禹之治水水之道

也是故禹以四海為壑今吾子以鄰國為壑吾子過矣壑受水處也

孟子曰子路人告之以有過則喜喜其得聞而改之禹聞善言則拜屈己以受善大

舜有大焉善與人同捨己從人樂取於人以為善樂音洛○善與人同公自天下之善而不為私也

耕稼陶漁以至為帝無非取於人者取諸人以為善是與人為善者也故君

子莫大乎與人為善與猶許也助也

孟子曰君子所以異於人者以其存心也君子以仁存心以禮存心仁

者愛人有禮者敬人愛人者人恆愛之敬人者人恆敬之有人於此其待我

以橫逆則君子必自反也我必不仁也必無禮也此物奚宜至哉橫逆謂強暴不順理

也物其自反而仁矣自反而有禮矣其橫逆猶是也君子曰此亦妄人也已

矣如此則與禽獸奚擇哉於禽獸又何難焉奚擇何異也又何難焉言不足與之校也

萬章問曰人有言伊尹以割烹要湯有諸要平聲要求也○孟子曰否不然伊

尹耕於有莘之野而樂堯舜之道焉非其義也非其道也祿之以天下弗顧也繫馬于駒弗視也非其義也非其道也一介不以與人一介不以取諸人

樂音洛○樂堯舜之道者誦其詩讀其書而欣慕愛樂之也駒四匹也介與芥同言其辭受取與無大無細一以道義而不苟也湯使人聘

之囂囂然曰我豈若處畎畝之中由是以樂堯舜之道哉囂囂無欲自得之貌湯三使

往聘之既而幡然改曰與我處畎畝之中由是以樂堯舜之道吾豈若使是

君爲堯舜之君哉吾豈若使是民爲堯舜之民哉吾豈若於吾身親見之哉

幡然變動之貌於吾身親見之言於我之身親見其道之行不徒誦說向慕之而已也天之生此民也使先知覺後知

使先覺覺後覺也予天民之先覺者也予將以斯道覺斯民也非予覺之而誰也思天下之民匹夫匹婦有不被堯舜之澤者若已推而納之溝中其自任以天下之重如此故就湯而說之以伐夏救民吾未聞枉己而正人者也况辱己以正天下者乎聖人之行不同也或遠或近或去或不去歸潔其身而已矣

行去聲○遠謂隱遁也近謂仕近君也

孟子曰有事君人者事是君則爲容悅者也有社稷臣者以安社稷爲悅者也有天民者達可行於天下而後行之者也有大人者正己而物正者也

孟子謂齊宣王曰王之臣有託其妻子於其友而之楚遊者比其反也則凍餒其妻子則如之何王曰棄之也比及曰士師不能治士則如之何王曰



已之之士師獄官也其屬有鄉士遂士曰四境之內不治則如之何王顧左右

而言他孟子將問此先設上二事以發之及此而王不能答也

孟子之平陸謂其大夫曰子之持戟之士一日而三失伍則去之否乎

曰不待三大夫縣官也戟有枝兵器也士戰士也伍行列也然則子之失伍也亦多矣凶年饑歲子

之民老羸轉於溝壑壯者散而之四方者幾千人矣曰此非距心之所得爲

也子之失伍言其失職猶士之失伍也距心大夫曰今有受人之牛羊而爲名對言此乃王之失政使然非我所得專爲也

之牧之者則必爲之求牧與芻矣求牧與芻而不得則反諸其人乎抑立視

其死歟曰此則距心之罪也爲去聲○牧之養也收牧地也芻草也

10  
40 400)

400

